

Na osnovu člana 16. stav 4. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona“, broj: 7/10), a u vezi sa članom 52. stav 1. tačka 2) Zakona o organizaciji organa uprave u Federaciji Bosne i Hercegovine („Službene novine Federacije Bosne i Hercegovine“, broj 35/05), Vlada Zeničko-dobojskog kantona, na 19. sjednici, održanoj dana 30.08.2019. godine, d o n o s i

ZAKLJUČAK

I.

Daje se saglasnost na Pravilnik o izmjenama i dopuni Pravilnika o unutrašnjoj organizaciji Ministarstva za boračka pitanja Zeničko-dobojskog kantona, broj: 13-02-11165/19 od 08.07.2019. godine.

II.

Zadužuje se Ministarstvo za boračka pitanja da četiri potpisana i ovjerena primjerka Pravilnika iz tačke I. ovog zaključka dostavi Stručnoj službi Vlade radi ovjere date saglasnosti, nakon čega će po jedan primjerak biti dostavljen Ministarstvu za pravosuđe i upravu, Sekretarijatu za zakonodavstvo i Ministarstvu za boračka pitanja, a jedan primjerak će zadržati Stručna služba Vlade.

III.

Zaključak stupa na snagu danom donošenja.

Broj: 02-_____/19
Datum, 30.08.2019. godine
Zenica

PREMIJER

Mirza Ganić

DOSTAVLJENO:

1x Ministarstvo za boračka pitanja,
1x Stručna služba Vlade,
1x Ministarstvo za pravosuđe i upravu,
1x Sekretarijat za zakonodavstvo,
1x a/a.

Na osnovu člana 52. stav 1. tačka 2) Zakona o organizaciji organa uprave u Federaciji Bosne i Hercegovine ("Službene novine Federacije Bosne i Hercegovine " broj 35/05) i člana 8. stav (1) tačka a) Uredbe o načelima za utvrđivanje unutarnje organizacije kantonalnih i općinskih organa uprave i upravnih organizacija ("Službene novine Zeničko-dobojskog kantona" broj 8/06), ministar Ministarstva za boračka pitanja Zeničko-dobojskog kantona, uz prethodnu saglasnost Vlade Zeničko-dobojskog kantona, d o n o s i

P R A V I L N I K
o izmjenama i dopuni Pravilnika o unutrašnjoj organizaciji
Ministarstva za boračka pitanja

Član 1.
(Izmjena člana 1.)

U Pravilniku o unutrašnjoj organizaciji Ministarstva za boračka pitanja Zeničko-dobojskog kantona br. 13-34-27703/12 od 18.03.2013.godine (u daljem tekstu: Pravilnik), u članu 1. tačka b) riječi: "službenika i namještenika" zamjenjuju se riječima: "zaposlenika".

Član 2.
(Dopuna člana 5.)

U članu 5. Pravilnika iza riječi: "obavljaju se poslovi:" dodaju se riječi: "savjetnika ministra,".

Član 3.
(Izmjena člana 15.)

Član 15. Pravilnika mijenja se i glasi:

"Član 15.
(Savjetnik ministra)

(1) Opis poslova:

- a) obavlja poslove savjetodavnog karaktera, odnosno ministru daje savjete i sugestije koji se odnose na poslove iz djelokruga rada Ministarstva,
- b) obavlja poslove saradnje sa međunarodnim i domaćim organima i organizacijama, radi utvrđivanja stavova i kreiranja odnosno provođenja utvrđene politike,
- c) ostvaruje odgovarajuću saradnju sa organizacijama pripadnika branilačke populacije, radi utvrđivanja stavova i izrade sistemskih rješenja od značaja za oblast prava branilaca i članova njihovih porodica
- d) obavlja stručne poslove i izrađuje analize za potrebe ministra,
- e) priprema materijale po nalogu ministra, te prati njihovo izvršenje,
- f) osigurava dokumentacione materijale i podatke,
- g) učestvuje u izradi planova i programa rada Ministarstva,
- h) ostvaruje saradnju sa kantonalnim organima i općinskim/gradskim službama kao i drugim organima i ustanovama na području Kantona, u cilju izvršavanja poslova i zadataka iz nadležnosti Ministarstva,
- i) vrši i druge poslove po nalogu ministra,
- j) sve poslove obavlja po procedurama za primjenu sistema upravljanja kvalitetom prema zahtjevima standarda BAS EN ISO 9001:2015,

- (2) Uvjeti za obavljanje poslova:
- a) VSS (VII stepen stručne spremlje, odnosno visoko obrazovanje prvog (240 ECTS bodova), drugog ili trećeg ciklusa Bolonjskog sistema studiranja, pravne, ekonomske, tehničke ili prirodne struke,
 - b) pet godina radnog staža u struci nakon sticanja visokog obrazovanja,
 - c) položen stručni ispit u skladu sa propisima o državnoj službi,
 - d) poznavanje rada na računaru.
- (3) Vrsta djelatnosti: poslovi osnovne djelatnosti,
- (4) Grupa poslova: studijsko-analitički i stručno-operativni poslovi,
- (5) Step en složenosti: najsloženiji poslovi,
- (6) Status: nema status državnog službenika, a mandat savjetnika ministra ne može biti duži od mandata ministra Ministarstva koji ga je imenovao,
- (7) Pozicija radnog mjesta: savjetnik ministra,
- (8) Za svoj rad odgovaran je ministru Ministarstva,
- (9) Broj izvršilaca: 1 (jedan)."

Član 4.
(Izmjena odredbi o standardu EN ISO)

U Pravilniku, u svim članovima, riječi "9001:2008" zamjenjuju se riječima "9001:2015".

Član 5.
(Stupanje na snagu)

Ovaj Pravilnik stupa na snagu donošenjem posebnog zaključka Vlade Kantona kojim se na isti daje saglasnost.

MINISTAR
Fahrudin Čolaković

Broj: 13-02-11165/19

Datum: 08.07.2019.godine

Na ovaj pravilnik data je saglasnost Vlade Zeničko-dobojskog kantona zaključkom broj: _____/19 od _____.2019.godine.

SEKRETAR VLADE
po ovlaštenju
Haris Hrgić